

Acuarius lo bay bira un Shopping Galery

ORANJESTAD(AAN)- Sr. Martin Tauber a duna di conoce na prensa cu e tin plannan pa un renovacion completo di Aquarius Boutique den Nassaustraats cu lo bay bira un Shopping Galery. E Boutique lo haya un aspecto totalmente otro. Ariba lo bin un cafeteria y lugarnan di sinta cu bista ariba caya den un forma di un teras.

Parti abao lo bin varios establecimiento exclusivo cu ya caba varios oferta a drenta pa

alquila. Sr. Tauber a duna di conoce e tambe cu e mes lo tin algun establecimiento den e shopping hall.

Pa e motibo aki di renovacion lo bay tin un baratillo caminda tur, pero tur cos mester bay na e Boutique. Sr. Tauber a enfatiza cu tur cos mester bay y mas liher e baratillo termina, mas liher lo cuminsa cu e trabaonan necesario pa e renovacion.

Segun por a compronde cu e

baratillo ta di 20 pa 75% y por bisa cu na e boutique ta bende pañanan exclusivo. E baratillo ta cuminsa mañan durante orarionan di e boutique.

Sr. Tauber a duna di conoce cu e lo sigui cu su boutiquenan na Alhambra, Concordhotel y lo habri uno na aeropuerto y den shopping hall di Shea, antes Strada.

Mientrastanto e oficina di Aquarius mes cu actualmente ta den Nassaustraats lo muda pa Freezone.